

## 2 Timoteo

### *Pablo Timoteore dipaturi gojabeopu*

<sup>1-2</sup> Mũhũ Timoteo yũ magũ iro dopa ta yũ mahigu āhraa. Yũhũ Pablo mũre ire gojabeoa. “Árĩpehrerã Jesucristore umupeorã umũsigue ðaro árĩniguicãrãcoma,” arĩ apimi marire Goãmũ. Īgu eropa arĩ apirare werebure yũre beye apimi Jesucristo Goãmũ ĩgu gamero dopa ta. Eropigu Goãmũ mari Pagũ Jesucristo mari Opũ mera mũre ðadorea. Eropigu ĩgu itamuri mera ðaro árĩque mũhũ.

### *Masare Cristo yare erã wererare werepu Pablo*

<sup>3</sup> Goãmũ mera wereniguigu mũ ya árĩburire serēniguicãa umuri nũcũ. Eropa serēgu Goãmũre “Ōhaa,” arãa yũhũ. Iribojegue majarã yũ acawererã ñeri dipuwaja mariro ĩgu Goãmũre ta umupeoñuma. Erã umupeodiro dopa ta dohpaguere yũ sã ĩgu Goãmũre ta umupeoa. Īgu Goãmũ gohra ta āhrimi yũ mũre serēbasagu.

<sup>4</sup> Sohõ árĩrasubure yũ wacũ mũ orenũrusiarare guñagu mũre turaro ĩadiaca daja mũ mera ðaro mucubiridiagu.

<sup>5</sup> Eropigu Jesure diaye ta mũ umupeorire guñaa yũhũ. Mũ ñeco bũro Loida, mũ pago Eunice sã Jesure umupeomũhtama mũ core. Eropigu dohpaguere ĩgũre mũ umupeocũ ðaro masia yũhũ.

<sup>6</sup> Eropigu ire mure guñacũ iidiaa. Mu dipuru weca yu duhpeocũ Goãmũ ãgu ya turarire omi mure. ãgu ya árĩburire mu mohmemasiburire mure omi. Iri mohmemasiburi mera mohmeque muhũ.

<sup>7</sup> Goãmũ marire ãgu Espíritu Santore omi. Mari mera árĩgu masare marire güicũ iibeami Espíritu Santo. Eropigu turarã, masare mahirã, pee masirã mari árĩcũ iimi ãgu.

<sup>8</sup> Eropigu mari Opũ ya árĩburire gajirãre weregũ guhyasĩribita muhũ. Yuhũ ãgu yare iicũ ãha gajirã gamebirã yure peresugue doboma. Peresu yu árĩcũ sãre ãagu yure guhyasĩrisãbircãque. Mũhũ sĩporãguere ñero bujawerebircãque. Ōari buherire mu buheri dipuwaja mu sã eropa wagu “Ōaroca,” arĩ pepique mu sã. Mu eropa ñero taricũ ãagu Goãmũ mure itamugucumi.

<sup>9</sup> Eropigu Goãmũpũ marire peamegue wabonirãre taumi. Eropigu ñarã ãgu yarã árĩmorãre beyepũ ãgu. “Ōarã ahrima erã. Eropigu erãre beyegura,” arĩbiripũ marire beyegu. ãgu marire mahigu ta negohraguere marire beyepũ ãgu gamero dopa ta iigu. “Eropigu Jesucristore erãre taubure obeogura,” arĩ beyepũ marire.

<sup>10</sup> Eropigu dohpaguere Jesucristore marire taubure obeodigu árĩmi marire diaye ta ãgu mahirire ãhmuqu. Eropigu Jesucristo marire taugu marire ãgu yarãre dederebircũ iimi. Eropa iigu “Yure umupeorã Goãmũ mera ñaro árĩniguicãrãcoma,” arĩgu ñari buherire marire

weregu aripu igu.

<sup>11</sup> Eropigu i ðari buherire werebure igu apimi yure.

<sup>12</sup> Eropa igu yare buhegu árïgu dohpaguere ñero taria yuhu. Eropa ñero tariqueregu ta siporã mucubirigu ahraa. Yu guñaturagure Jesure masia yuhu. Turagu ahrimi igu. Eropigu igu yare buhedore apigu ðaro itamugucumi. Eropigu igu yure apirare yure buhe ojogorocucũ ihadibugucumi yure. “Yure itamugucumi,” arï irire ðaro masigu siporã mucubirigu ahraa.

<sup>13</sup> Mure yu wererare ipehocãque. Jesucristo mare igure ðaro umupeocũ iimi. Eropigu igure gajirã sare ðaro mahicũ iimi mure. Eropigu “Diaye ahraa,” arï irire guñaniguicãque muhu.

<sup>14</sup> Eropigu Espiritu Santo mari mera árïgu igu itamuri mera ðari buherire ðaro buheque. Queoro buheque gajiropa arïro mariro.

<sup>15</sup> Yu peresugue arïcũ iarã yure cóãgãpehrea wama. Árïpehrerã Asia yeba majarã Jesu yarã yure itamudiabirã cóãgãpehrea wama. Erã mera majarã perã Figelo, Hermógene eropa ta iima erã sã. Erã eropa cóãgãrare masituhaca muhu.

<sup>16-17</sup> Erã eropa cóãquerecũ ta Onesíforopu bajasuburi yure itamugu ðaro siñajacũ iimi. Eropigu igu yu peresu arïcũ igu yure guhyasirisãbeami. Eropigu Romague eragu yure amaniguicãdi arïmi. Eropa amaniguigu yure bocami. Efesogue sare igu marire itamurare ðaro masia muhu. Igu eropiira waja igu porãre, erã pago sare mojomoro ïagucumi mari Opu

Jesucristo. Goãmũ eropa iiboro dopa ãgũre serẽbasaa.

<sup>18</sup> Eropigũ i yebague Jesu mari Opũ dujaririnũ arigũ ãgũre mojomoro ãagũcumi. ãgũre eropa iiboro dopa ta serẽbasaa Goãmũre.

## 2

### *Ñero tariqueregũ ta Jesu yagũre bocatũuro gahmea*

<sup>1</sup> Mũpũ yũ magũ iro dopa ta Jesucristo ãgũ itamuri mera turagũ áriũque.

<sup>2</sup> Eropigũ bajarã masare yũ buherare mũ peerare gajirã sãre wereturiaque mũhũ. Erã mũ buherã Goãmũ gamerire iiniguicãrã áriũporo. Eropirã gajirãre buheturiarã áriũporo erã sã.

<sup>3</sup> Surara ñero tarigũ ãgũ yujuro bojero dopa ta Jesu yagũ áriũgũ ñero tariqueregũ yujuro bojeque. Eropa iigũ gajirã Jesu yarã iiro dopa iigũ ãaa mũhũ.

<sup>4</sup> Surara ãgũ opũ ãgũ doreripũre iimi. Eropigũ ãgũ surara áriũbirã erã iiripũre iibeami ãgũ. Mũ sã eropa ta mari Opũ ãgũ dorera dihtare iĩque.

<sup>5</sup> Omabiragũ erã dorediro dopa queoro iibigũ ãgũ omatariara waja wajatabeami. Eropa ta mũ sã Goãmũ dorediro dopa ta iibigũ Goãmũ mera wajatasome.

<sup>6</sup> Eropigũ pohere õaro mohmedigũpũ ãgũ mohmera waja iri pohe majare aĩmũhtami. Eropa ta mũ sã Goãmũ yare õaro mohmera waja Goãmũ oburire aĩmũhtagũca.

7 Iriire ðaro masicũ iigucumi Jesu mari Opu mure. Eropigu dohpaguere yu mure arĩdiroro ðaro guñaque.

8 Jesucristore guñaque. Īgu opu Davi muru pãrami ĩgu arĩpu. Eropigu sĩridigu masa mariapu ĩgu. Īgu eropa sĩri masa mariara marire tauburi buheri ta ahraa. I ðari buherire buhegu iiaa.

9 Iri buherire buhegu ñero taria yuhu. Eropirã irire yu buhecũ ĩha gajirã gamebirã ñegu iro dopa ta yure dipuwaja moa yure peresugue doboama. Masa yure cãhmotaquererã Goãmu ya ðari buherire cãhmota masiya mara.

10 Eropigu Goãmu ĩgu beyenirãre buhegu basuburi ñero taria yuhu erã Jesucristo yarã erã arĩburire. Īgu yarã arĩborore erã peamegue wabonirãpu tauborore ñero tarigu yujuro bojea. Eropigu erã Goãmu mera ðaro arĩniguicãborore ñero taria ĩgu yare buhegu.

11 I diaye ta ahraa:

Cristo ya arĩburire mari iira dipuwaja gajirã marire wejẽquerecũ ĩgu mera umusigue ðaro arĩniguicãrãca.

12 Eropirã ĩgu yare mari iira dipuwaja ñero tariquererã ta ĩgu yare duhubirã arĩrã ĩgu opu arĩroguere ĩgu mera dorerã arĩrãca mari sã. "Cristore yu masibea," mari gajirãre arĩcũ ĩgu sã marire eropa ta arĩgucumi.

13 Īgure mari tarinugacũ ĩagu ĩgu arĩdiro dopa ta marire dipuwaja moagucumi. Īgu arĩro dopa ta iigu ahrimi ĩgu. Ne gayabeami

ĩḡu. I árĩpehreri ĩḡu werera diaye ta  
ãhraa.

*Goãmũ ĩḡu ĩhasũarãre, ĩḡu yare buherãre  
wewerũ Pablo Timoteore*

<sup>14</sup> Ire yũ wewerare mũ mera majarãre masicũ  
iique. Erã ejatuharo game dũyaso wereniguiiri  
duhpihuri árĩbeaa. Eropirã erãre peerãre ñero  
wacũ iima. Eropigũ mari Opũ ĩḡu ĩhuro õpa arĩ  
weweque erãre. “Mũa eropa wereniguiiro dopa  
wereniguibiricãque,” arĩque erãre.

<sup>15</sup> Mũpũ Goãmũ yare õaro buheque. Eropigũ  
Goãmũ ya árĩburire turaro iique. Mũ eropa  
iicũ ĩagũ “Õaro iibũ mũhũ,” arĩḡucumi  
Goãmũ mũre. Eropigũ mũ buherare ĩḡu ĩacũ  
ḡũhyasĩrisome mũhũ. ĩḡu buheri diaye ãhraa.  
Eropigũ ĩḡu buherire õaro masique. Eropigũ ire  
queoro buheque.

<sup>16</sup> Erã ejatuharo bu árĩrire wereniguirã ñerire  
eropa iinigũicãma. Eropigũ erã eropa arĩ  
wereniguirire ĩha gamebiricãque mũhũ.

<sup>17</sup> Erã wereniguiiri camiro boagãro iro dopa  
ta ãhraa. Erã wereniguiiri gajirã Jesu yarãre  
ñerã wacũ iiaa. Eropa wereniguirã mera majarã  
Himeneo, Fileto sã ãhrima.

<sup>18</sup> Eropirã erã õari buherire cóarã, “Jesu yarã  
sĩrinirã erã ya dũpũ mũra masa mũriatuhanirã  
ãhrima,” arĩ buhemaacãma. Eropa gajiropa  
buherã bajamerãḡã Jesu yarãre goroweorã iima.

<sup>19</sup> Erã eropa ñero buhequerecũ ta, Goãmũ ya  
buheripũ ne gohrotobea. ĩḡu ya diaye maja  
árĩro pehrebeaa. Õpa arĩ gojara ãhraa: “Mari  
Opũ ĩḡu yarãre masimi. Eropirã árĩpehrerã

'Jesu yarã ähraa,' arĩrã ñerire duhucãporo," arĩ gojañuma.

<sup>20</sup> Jesu yarã watope ährima Goãmũ yare õaro iirã. Gajiropa iirã sã ährima ñeri buherire wereniguirã.

<sup>21</sup> Eropigũ yujugũ Goãmũ ya árĩburire õaro itamudiagũ iri ñeri buherire peebiricãporo. Árĩpehleri ñerire duhucãporo. Ìgũ eropiigũ õagũ árĩgũ árĩpehleri Goãmũ yare õaro iimasimi. Goãmũ gamegũ õaro árĩgũcumi.

<sup>22</sup> Eropigũ mũ mamũ árĩgũ mamarã erã ñeri ùaribejari iro dopa iibiricãque. Eropigũ õarire iique. Jesure umupeoturaniguicãque. Eropigũ ìgũre masa sãre mahi umupeoque. Eropigũ gamequeãro mariro gajirã mera õaro árĩque mũhũ. Eropa ta iique gajirã ñeri dipuwaja marirã mera Goãmũre game serëninguirã mera árĩgũ.

<sup>23</sup> Eropigũ pee masibirã erã arĩ ðuyasorire mũ sã peenurũbita. Eropigũ mũ sã ðuyasobita. Eropa arĩ ðuyasorã masa game gameturinũgama.

<sup>24</sup> Mari Opũ pohro majagũre ðuyasobiricãro gahmea. Eropigũ árĩpehlerãre õaro iigũ buhemehregũ, mata guabigũ ìgũre árĩro gahmea.

<sup>25</sup> Eropigũ gajirã ìgũ mera ðuyasocũ ìgũ erãre weregũ õaro mera yojaro mariro mera yũhriro gahmea ìgũre. Ìgũ õaro yũhricũ ìarã erãpũ Goãmũ ìgũ itamuri mera erã ñeri iirire bujawerebocoma. Eropirã õari buherire diaye majare masinũgabocoma.

<sup>26</sup> Erãre watĩ oparimi ìgũ gamerire iimorãre.

Eropirã erã ñero iirare bujawerera puhrũ ðari buheripũre masirã, watĩre cóãrãcoma.

### 3

#### *Pehreburinũ majare werepũ Pablo Timoteore*

<sup>1</sup> I umũ pehreburinũ coregã ñero tarirãcoma masa. Irire ðaro masique mũhũ.

<sup>2</sup> Irisubure masa gajirãre guñabirã, erã ya árĩburi dihtare guñarã, niyerure gamerã, “Gajirãre tarinũgaa gũa,” arĩ erã basi pepirã, masare ñero turirã, erã pagũ sumarãre tarinũgarã, erãre oquerecũ ta “Õhaa,” arĩbirã, Goãmũre umupeobirã árĩrãcoma.

<sup>3</sup> Eropirã masare mahibirã, mojomoro ñabirã, ñeri quere iirã, ñeri ùaribejarire duhumasi-birã, masare eropa paniguirã, ðarire gamebirã árĩrãcoma.

<sup>4</sup> Erã mera majarãre ñero iirã, pepiri moorã, “Masipehorã ãhraa,” arĩ pepirã árĩrãcoma masa. Eropirã erã, erã ùaribejarire iisũarã árĩrã Goãmũre umupeo sũabeama.

<sup>5</sup> Eropirã erã masa erã ñhabeoro Goãmũre umupeoquererã ta “Goãmũ duhpibu árĩbeami,” arĩ pepirã erã.

Eropa árĩrãre wapicũbircãque mũhũ.

<sup>6</sup> Erã mera majarã pee masibirã nome pohro ñaja, erã nomere gũyarire buhema. Erã nomepũ turaro ñerire iiniguirã árĩrã, turaro ñerire iidiarã ãhrima.

<sup>7</sup> Erã nome eropa peeniguirã nome árĩquererã ta, diaye majapũre ne masibeama.

<sup>8</sup> Iribojegue Jane, Jambre sã yeea árĩnirã Moise wererare gamebiridiro dopa ta erã sã õari wereniguirire diaye majare gamebeama. Erã ñeri dihtare pepirã áhrama. Eropirã Jesure umupeorã gohra árĩbeama.

<sup>9</sup> Eropa iirã gũyari mera erã iidiarire yujuro bojesome. Pũhrũ erã gũyarire, erã pee masibiriri sãre árĩpehrerã ĩha masirãcoma. Jane, Jambre mera erã gũyarire iribojegue masa erã ĩha masidiro dopa ta eropa ta masirãcoma masa pehreburiũ coregã árĩrã erã gũyarire.

### *Pablo Timoteore doretupũ*

<sup>10</sup> Mũpũ yũ buherare, yũ árĩricũrare, yũ iidiarare, Jesure yũ umupeorare õaro ĩhabũ. Eropigũ guaro mariro yũ iirare, masare yũ mahi umupeorare, ñero tariqueregũ yũ yujuro bojerare masia mũhũ.

<sup>11</sup> Eropigũ Jesucristo yare yũ iira waja yũre erã ñero iirare, yũ ñero tarirare masia mũhũ. Eropigũ Antioquíague, Iconiogue, Listrague yũre ñetariaro erã iira sãre masia mũhũ. Eropa yũ wacũ ĩha mari Opũ Jesucristopũ yũre itamumũrimi.

<sup>12</sup> Árĩpehrerã Jesucristo yarã árĩdiacũ Goãmũ gamerire iiniguidiacũ gajirã erãre ñero iirãcoma. Iri diaye ta áhraa.

<sup>13</sup> Eropirã ñerãpũ, gũyarã sã, ñetariarã árĩniguicãrãcoma erã. Gajirãre gũyarã, erã basi sã gũyarire peerã eropa ta ñetariarã árĩniguicãrãcoma.

<sup>14</sup> M̄p̄u ȳh̄u m̄re buherare ðaro m̄u peerare eropa iiniguicãque. M̄re buhenirãre masia m̄h̄u.

<sup>15</sup> M̄u majigu áriḡugue ta, Goãm̄u yare erã gojarapũre masinugayoro. Īgu yare erã gojarapũ m̄u buhegu masia Jesucristo marire tauburire. Eropa buhegu “Jesucristore umupeorã dihtare peamegue wabonirãre taumi Goãm̄u,” arĩ masia.

<sup>16</sup> Goãm̄u yare erã gojarapũre árĩpeh̄rerire Goãm̄p̄u gojadorep̄u erãre. Eropirã iripũre buherã mari masinemoa. Iripũre buherã mari ðaro iiburire masia. Eropirã mari ñeri iirire masia iripũre buherã. Eropiro iripũ marire ðarip̄ure gohrotodorea. Eropiro um̄ri n̄c̄u mari ðarire mari iiniguiburire werea iripũ.

<sup>17</sup> Eropigu Goãm̄u yagu ĩgu yapũre buhegu, masipehocãḡucumi. Eropa masigu árĩpeh̄rerire ðarire iimasiḡucumi ĩgu.

## 4

<sup>1</sup> Jesucristo árĩpeh̄rerãre doregu arigu dujariḡucumi. Eropa dujarigu ojocarirãre, s̄irinirã sãre dipuwaja moaḡucumi. Eropigu ĩgu ĩhabeoro ire m̄re dorea ȳh̄u: Goãm̄u sã ĩgu ĩhabeoro ire dorea m̄re.

<sup>2</sup> Um̄ri n̄c̄u masa erã peediacũ, erã peedibiricũ sãre Goãm̄u yare wereque. Eropa weregu masare erã ñeri dipuwajare masicũ iique erãre. Eropigu “M̄ua ñeri iirire iinemobiricãque,” arĩ wereque erãre. Ōarip̄ure iidoreque. Eropa weregu ne guabigu gariborebigu árĩque m̄h̄u. Eropigu gajirãre buhe duhubita.

3-4 Puhru, gajisubuguere masa õari buherire peediasome. Eropa peediabirã erã gamero dopa ta iirã, erã peediari dihtare buhemorãre amarãcoma erã. Eropirã guyari buherire buherã bajarã oparãcoma erã. Erã eropa iirã õari buheri diaye majarure cohã, erã eropa arĩ bocara buheripure peenurãcoma.

5 Eropigu muru diaye majare buhe duhubita. Eropa igu umuri nucu õaro pee masigu arĩque. Eropigu ñero tariqueregũ ta yujuro bojeque. Eropigu õari buherire eropa buheniguique masa Jesu yarã waboro dopa. Goãmu mre igu iidorerare ipehocãque muhu.

6 Yuhu Goãmu yare yu iira dipuwaja yu sĩriboro merogã duhyaa. Eropigu bajamenurigã arĩniguca. Eropigu dohpaguere mre dorea.

7 Yu sĩriboro coregã ire weregura: Jesucristo yure õari buherire buhedoregu igu apirare õaro buhe ojogorocubũ. Igu dorerire õaro ipehocãbũ. Eropigu ñero tariqueregũ ta igure ne umupeo duhubiribũ.

8 Yu eropa õarire iira wajare umusigue dibugucumi yure. Eropigu mari Opu arĩpehrerãre masipehogu, diaye ta dipuwaja moabu arĩgu, queoro weregu igu dujaririnũ yu wajatarare ogucumi yure. Gajirã sãre igu dujariborore corerãre, igure mahirãre erã wajatarare ogucumi Jesu.

*Pablo werenemoru Timoteore*

9 Yu pohroque yojaro ñagu arique muhu.

10 Dema waĩcugu i yeba majare arĩpehrerire gamegu yure cóãgã waha wami Tesalónicague.

Crescentepu yure cóãbiriquregu Galacia yebague wahámi Goãmu yare buhegu. Tito sã eropa ta Dalmaciague wahámi.

<sup>11</sup> Luca dihta yu mera áhrimi. Marco yure ðaro itamubu áhrimi. Eropigu ñgure aĩgãrique muhu.

<sup>12</sup> Tíquicore Efeso macague obeoabu.

<sup>13</sup> Eropigu muhu õgue arigu, yu weca sañari suhrirore, Troa maca Carpo ya wihi yu api-rañere aĩgãrique. Eropi sohõ árira gojara turirire aĩgãrique. Sohõ árira gojara gasiri tamerare turaro gahmea yuhu. Eropigu iri gasiri sãre aĩgãrique.

<sup>14</sup> Alejandro comere mohmegu yure ñetariaro iimi. Eropigu ñgu eropa iira dipuwaja Goãmu dipuwaja moagucumi.

<sup>15</sup> Ñgu Alejandro mari buherire ne gamebirimi. Eropigu muare ñero iiri arigu ðaro ñgure guña masique.

<sup>16</sup> Peresu iidoregure yu iirare ñgure yu ne werecũ ne yujugu Jesu yagu yure itamudiabirimi. Árĩpehrerã yure itamubirã cóãgãpehrea wama. Erã eropa cóãquerecũ ta yure erã cóãra dipuwaja Goãmure “Erãre dipuwaja moabita,” arĩbu.

<sup>17</sup> Yu yujugu ta arĩquerecũ ta Goãmu ðaro áhrimi yu mera. Eropigu ñgu buherire yu ðaro wereburire weremasicũ ñgu turari mera itamumi yure. Árĩpehrerã Judio masa arĩbirã iri buherire erã peeburire werecũ itamumi. Eropigu masa erã yure ñero iidiaquerecũ ta yure erã ñero iibodigure itamumi mari Opu.

18 Árĩpehrerire erã yũre ñero iirire yũre taugũcumi mari Opũ. Eropigũ Ʃmũsigue ĩgũ Opũ árĩrogue yũ árĩborore itamugũcumi ĩgũ. Eropirã “Mari Opũ ðatariagũ, turatariagũ ãhrimi,” árĩpehrerinũri arĩrã mari. Eropa ta arĩrã.

*Pablo ðadorepũ Timoteo pohro árĩrãre*

19 Priscila, igo marapũ Aquila, Onesĩforo ya wihi majarã sã ðaporo.

20 Erasto Corintogue dujami. Trófimo dorecũa wahãmi. Eropigũ Miletogue apiabũ ĩgũre.

21 Puhiró core yojaro arique mũhũ. Eubulo, Pudente, Lino, Claudia sã, árĩpehrerã Jesu yarã mũre ðadorema.

22 Mari Opũ Jesucristo mũ mera árĩporo. Eropigũ mũare Goãmũ mera turaro ðadorema. Eropa ta árĩnigũcãporo. Iripẽta ãhraa.

## **Desano**

### **Desano: Goñmu Yare Wereripu New Testament**

copyright © 2011 Wycliffe Bible Translators, Inc.

Language: Desano

Contributor: Wycliffe Bible Translators, Inc.

All rights reserved.

2025-05-01

---

PDF generated using Haiola and XeLaTeX on 30 Apr 2025 from source files dated 1 May 2025

17771afc-c309-57fd-9ff3-2d5a0cd59ff1